



#### 4.1. DIRULAGUNTZA LERROA: ALFABETATZE- EUSKALDUNTZE IKASTARO HOMOLOGATUETAN PARTE HARTZEA – 2024. OINARRI ESPEZIFIKOAK.

##### 1- Dirulaguntzaren xedea

Lerro honen xedea da dirulaguntzak ematea, hain zuzen ere, ikasturte honetan eginiko euskalduntze eta alfabetatze ikastaro homologatuetarako. Lehiarik gabeko edo elkarren segidako konkurrentziaren bidez (eskatutako baldintzak betetzen dituzten eskabide guztiak aintzat hartuz, aurrekontu-partida agortu arte) esleituko dira.

##### 2.- Dirulaguntzak zein partidaren kargura egingo diren eta emango diren dirulaguntzen gehieneko zenbatekoa

Euskara ikasteagatik emango diren dirulaguntzen zenbatekoa 2024ko aurrekontuko partidaren kontura izango da.

1030.480.01.335.10 Dirulaguntzak: euskara ikasleen beka; 45.000 €. Egoki den kreditu aldaketaren bitartez kopurua handituko balitz, deialdi honi egozgarria izango den gastuaren baimentze berria egin liteke.

Dirulaguntzaren zenbatekoak inoiz ezin izango du diruz lagundutako matrikularen kostua gainditu, ez bakarka hartuta, ezta beste dirulaguntzekin, diru-sarrerekin edo baliabideekin batera ere.

##### 3.- Pertsona onuradunak eta dirulaguntza eskatzeko baldintzak.

Oro har, dirulaguntzetarako aukera izan dezakete Errenerian erroldatuta daudenek eta bere lanbide edo lanpostuarengatik Erreneriako herritarrekin harreman zuzena duten merkataritzako edo enpresako langileek, betiere komertzioak edo enpresak egoitza Errenerian duenean eta onuradunak ez duenean erroldatutako herrian dirulaguntzarik jasoko.

Dirulaguntza lerro honetarako aukera izateko:

- Ikastaroaren amaieran, gutxienez, asistentziaren % 85 egiaztatu beharko da. Horretarako ikaslearen hasiera data hartuko da kontuan. Ikastaroa autoikaskuntzakoa bada, berriz, asistentziaren % 100 egiaztatu beharko da. Asistentzia faltak zuritzeko legeak baimendutako kasuen egiaztagiria baino ez dira onartuko.

- Zerga-betebeharrak Ogasunarekin, Gizarte Segurantzarekin eta Erreneriako Udalarekin egunean izan beharko dira.

##### 4.- Eskabideak aurkezteko epea

2023-2024 ikasturtean euskarako ikastaro homologatuetan parte hartzeagatik dirulaguntza



eskatzeko epea 2024ko ekainaren 24tik uztailaren 5era bitarte izango da, biak barne, eta irailaren 1etik urriaren 15era bitarte, biak barne.

**5.- Eskabideak baloratzeko irizpideak eta dirulaguntzaren zenbatekoa:**

Dirulaguntza kalkulatzeko erabiliko diren progresibitate-irizpideak udal euskaltegiko tasetan erabilitako berberak izango dira:

		PROGRESIBITATEA	ASISTENTZIA	DIRULAGUNTZA GUZTIRA
		Eskatzaileak tasa ordaindu beharko lukeen matrikularen %	Bertaratzea bete ondoren tasari aplikatu beharreko deskontuaren %	Dirulaguntzaren %, guztira
1	Langabetuak, DBE jasotzaileak, GLL jasotzaileak, 13.780 €tik beherako diru-sarrerak, 16-18 urte arteko gazteak, A1 eta A2 ikastaroetan izena eman dutenak	0	0	%100
2	13.780 € - 19.850 € arteko diru-sarrerak	%35	% 80	%93
3	19.851 € - 25.930 € arteko diru-sarrerak	%75	% 80	%85
4	Aurreko kasuetan sartzen ez diren gainerako pertsona guztiak	%100	%80	%80

1) Matrikularen % 100 diruz lagunduko da honako egoera hauetakoren batean zeudela egiaztatzen duten pertsonen kasuan:

- Ikastaroa hasi zuten egunean langabezian zeudenak
- Ikastaroa hasi zuten egunean diru-sarrerak bermatzeko errenta jasotzen ari zirenak
- Ikastaroa hasi zuten egunean gizarte larrialdiko laguntza jasotzen ari zirenak
- Azken errenta-aitorpenean 13.780 €-tik beherako urteko diru-sarrera gordinak izan dituztenak.



- Ikastaroa hasi zuten egunean 16 eta 18 urte artean bazituzten.
- A1 eta A2 ikastaroetan izena eman duten ikasleak

2) Matrikularen % 93 diruz lagunduko da azken errenta-aitorpenean 13.780 € eta 19.850 € arteko urteko diru-sarrera gordinak dituzten eskatzaileentzat.

3) Matrikularen % 85 diruz lagunduko da azken errenta-aitorpenean 19.851 € eta 25.930 € arteko urteko diru-sarrera gordinak dituzten eskatzaileentzat.

4) Matrikularen % 80 diruz lagunduko da aurreko kasuetako batean ere sartzen ez diren gainerako eskatzaileentzat

\* Barnetegien kasuan, formazio gastuak soilik lagunduko dira diruz. Beraz, ostatu, mantenu eta garraio gastuak ez dira diruz lagunduko.

## 6. Eskararekin aurkeztu beharreko dokumentazioa:

Eskatzaileek Udalak emandako inprimaki normalizatua (Eranskin honetan agertzen dena) aurkeztu beharko dute, ondorengo dokumentuekin batera:

- a. NAN
- b. Eskarera adierazitako kontu korrontearen titularra egiaztatzeko agiria. Horrek eskatzailearena izan beharko du, eskatzaile adingabeen kasuetan izan ezik.
- c. Euskaltegiko ziurtagiria. Ikasturtean izandako asistentzia adieraziko da bertan.
- d. Matrikularen ordainketaren agiriak.
- e. Merkataritzako langilea bada, lanean gutxienez sei hilabetez aritu izana ziurtatzen duen agiria, eta egoera hori egiaztatzen duen dokumentazioa.
- f. Errenteriako Udalak, NISAE datuen bitartekaritza plataforma bidez, deialdian parte hartzeko ondoko datuak egiaztatuko ditu. Aurka eginez gero, deialdian eskatutako ziurtagiriak edo tituluak aurkeztu beharko ditu:

- Gizarte Segurantzaren Diruzaintza Orokorra - Gizarte Segurantzarekiko betebeharren ordainketa egunean izatearen kontsulta

- Foru-ogasunak - Zerga-betebeharren ordainketa egunean izatearen kontsulta.



- Langabetuak, ikastaroa hasi zuten egunean Gizarte Segurantzaren langabetu gisa inskribatuta egotearen ziurtagiria edo lan-bizitza txostena
- Diru-sarrerak bermatzeko errenta jasotzen dutenek, ikastaroa hasi zuten egunean egoera horretan zeudela ziurtatzen duen Lanbideko ziurtagiria.
- Urteko diru-sarrera gordinak egiaztatu behar izanez gero, **azkeneko errenta aitortpena** edo errenta aitortpena egiteko salbuetsia dagoela adierazten duen Ogasunaren ziurtagiria.

## 7.- Dirulaguntza ordaintzea

Dirulaguntzaren ordainketa Udal Hizkuntza Politikako zinegotzi delegatuak dirulaguntzak banatzeko behin betiko ebazpena eman ondoren egingo da. Ordainketa, dirulaguntza hori lortzeko adierazi zen xedea bete dela egiaztatuta ondoren egingo da aldi bakar batean, eskaeran adierazitako kontuan egingo den diru-sarrera bidez.

**Ohar garrantzitsua:** deialdi hau egin da ERRETERIAKO UDALAK 2024 URTEAN DIRULAGUNTZAK EMATEA ARAUTZEKO OINARRI OROKORREI jarraiki. Hemen zehaztu gabeko gai orotarako oinarri horietara jo beharko da.